



Inatsisartut  
Att. Inatsisartunut ilaasortaq Nikkulaat Jeremiassen

09-01-2018  
Sagsnr. 2018 - 403

Postboks 1601  
3900 Nuuk  
Tlf. (+299) 34 50 00  
E-mail: [isiin@nanoq.gl](mailto:isiin@nanoq.gl)  
[www.naalakkersuisut.gl](http://www.naalakkersuisut.gl)

**Tunitsiveqarnikkut siunertat pillugit § 37 naapertorlugu  
apeqqummutakissut.**

*Inatsisartut suleriaasianni § 37 naapertorlugu Naalakkersuisunut  
apeqquteqaateqarputit Naalakkersuisut aalisakkanik tunitsiveqarnikkut qanoq  
siunertaqarnersut pillugit. Apeqquteqaatit uannit akisassanngorlugu  
innersuunneqarpoq, akissutigalugu matuma ataani atuarneqarsinnaavoq.*

**Apeqqu:**

**Tunitsiveqarnikkut ukiorpassuannngortuni minnerunngitsumik Kangaatsiap  
nunaqarfittaani ajornartorsiutit piusut qaangerniarlugit Naalakkersuisut  
qanoq siunertaqarpat?**

**Akissut:**

Naalakkersuisut nunaqarfinni isorliunerusunilu tunitsiveqarnikkut periarfissat  
ikorpartorlartugit eqeersimaartumik politikkeqarput. Naalakkersuisut 2018-imut  
aningaasanut inatsimmi kontomi pingaarnermi 64.01.05-imi 5 mio. kr.-nik  
immikkoortitsisimapput nunaqarfinni illoqarfinnilu minnerni tunitsivinnut  
tapiissuteqartarnernut atorneqarsinnaasunik. Tapiissutit tamanna  
tunuliaqutaralugu kifpartuussinermi isumaqatigiisummut ataatsimut  
aralinnnulluunniit tunniunneqartarput. Kontomi pingaarnermi tassanissaaq ukiuni  
siuliini iliuuseq assigalugu nunaqarfinni avinngarusimasunilu  
inuutissarsiornermut suliffissaqartitsinermullu ineriartortitsinissamut 7,6 mio. kr.  
immikkoortinneqarsimapput. Aningaasaliissutit taakkua kommunit ataasiakkaat  
qanimut suleqatiginerisigut suliniutinut aalajangersimasunut arlalinnut  
agguaanneqartarput.

Innaallagissamut imermullu assigiimmik akeqartitsinermik aqqissuussineq  
aqqutigalugu nunaqarfinni isorliunerusunilu tunitsiveqarsinnaanermut  
atugassatut killiliussat pitsaanerusut pilersinneqarput. Innaallagissamut  
imermullu assigiimmik akeqartitsinermik aqqissuusseqqinnerup ingammik

nunaqarfinni isorliunerusunilu imermut innaallagissamullu akit appasinnerusut qularnaarpai.

Tamatuma saniatigut inaallagissamut imermullu akit immikkut appasissut aalisakkanik suliffissuarnut neqeroorutaapput.

Aalisakkanik suliffissuarni akigitinneqartut illoqarfinni nunaqarfinnilu ataasiakkaani uuttuummi aningaasartuutit ataatsimut tunngasut 41,5 %-iinut aalajangersarneqarput imatut naleqqussarlugit:

- Aalisakkanik suliffissuit innaallagissamut imermullu aki atuisartunit allanit akilerneqartartoq qummut killigalugu akiliisassapput,
- Aalisakkanik suliffissuarnit akiusup atuisartunit allanit minnerpaatut akilerneqartartup 41,5 %-ia minnerpaamik akilerneqartassaaq.

*Matuma saniatigut Aalisarnermut Piniarnermullu Naalakkersuisoqarfiup akissuteqaataa tiguneqarpoq.  
Akissuteqaat taanna matuma ataani ilanngunneqarpoq:*

“ Royal Greenlandip (RG) matumuuna Kangaatsiap eqqaani tunisassiorfiit ingerlatatik nassuiaateqarfigissavai, ukiunilu tallimani ingerlareersuni Royal Greenlandip tunisanut paasissutissat pigisai suliniutillu ilanngunneqarput.

#### Attu

Tunisat 2014 139 tons

Tunisat 2017 360 tons

Arctic Greenfood Food akiliisinnaajunnaarmat RG-imit tiguneqarmat matoqqavoq. Illuutit qerititsiviillu pisinnaasaqarnerulersippavut, taamaalillutik inuussutissalerinermut aqutsisoqarfimmit piumasarineqartunik malinnaasinnaaqqullugit.

Qerititanut containerit pingasut pisiaralugillu pilersissimavavut, taamaaliornikkut tunisassiorneq ingerlaavartumik ingerlassinnaassagatsigu - aamma umiarsuit usisussat killeqaraluarpataluunniit.

Maannakkut suannik tunisassior tarpugut, aalisakkanik tarajorterisarpugut qerititerillutalu.

#### Ikerasaarsuk

Tunisat 2012                      222 tons

Tunisat 2017                      327 tons

Tunisassiorfik aserfallatsaaliorneqartuarpoq, taamaaliorluta akuersissut inuussutissalerinermut oqartussaasunit tunniunneqartoq piginnarusullugu. Aalisakkanik tarajortikkanik tunisassiorpugut.

### Niaqornaarsuk

TunSAT 2012 106 tons

TunSAT 2017 677 tons

Nioqutissianut naammasseriikkanut atugassanik containerinik marlunnik immikkut pissarsisimavugut, taamaaliorluta tunisassiornerusinnaajumalluta - aamma piffissani Royal Arctic Linep (RAL)- assartuiniarnikkut ajornartoorfiani.

Illuutigineqartup siusinnerusukkut sullissivittut atorneqartup ilaa atugarilersimavarput. Tamatumalu annermik tunisassiorsinnaalernerq, pitsaanerusemillu tunisassioriaaseqalerneq kingunerisimavaa. Pitsanngoriaatsit suli naammassillugit suliarineqanngillat, 2018-imilu iluarsineqartussat kingulliit suliarineqarumaarput.

Kalaallit Nunaanni aalisakkanik tarajorterivitta annersaat.

### Kangaatsiaq

TunSAT 2012 390 tons

TunSAT 2017 1990 tons

Kingullertigut (december 17) saattukujuunut immikkut qerititsiveqalerpugut, taamaalillunilu saaneeraajakkanik annerusemik tunisassiorsinnaalersimalluta. Ataatsimut illut pingasut sulisut najugassaat quersuarlu pisiarisimavavut, aalisakkanut angisuunut qerititsivik aamma saaneeraajaavissaq ikkussimallugit. Anguniagarput annersaq tassaavoq naammattunik sulisussaqaalernissaq (nunaqarfinneersunik Aasianneersunillu), taamaalilluta saaneeraajakkanik tunisassiorneq holdinit marlunnit isumagineqarsinnaaqqullugu, taamaalillunilu tunisassiat annertusillugit. Tamatuma kingunerissavaa sulisorineqartut 20-nik amerlineqarsinnaassammata, malunnartumillu suliffissuarmi tunisassiarineqarsinnaasut isertinneqartussallu annertusillugit.

Aalisakkat saarulliillu saaneeraajakkat avammut nioqutissiassat qerititatut suliaaravut.

### **Umiarsuaq tunitsivik**

Ukiut kingulliit tallimat ingerlaneranni umiarsuarmik tamaani tunitsiveqartitsisarsimavugut. Pilersaarutinili taamaattuni tunisassiassat ataatsimut mikivallaarneri aalisarfiullu sivikippallaartarnera aningaasaqarniarnermut unammisassaasarsimapput. Tamatumalu

kingunerisarpaa Royal Greenlandimut aningaasartuutaavallaanngitsumik sumiiffimmi tassaniitiinnarnissaat ajornakusuulersarmat.

### **Pissutsit allat**

Ataatsimut isigissagaanni Kangaatsiap eqqaani RALip umiarsuaataannut useqartitsiniarneq annikippallaarpoq. Tamatumalu kingunerisarpaa nioqqutissianik naammasseriikkanik assartuisoqaraluartoq quersuit tamatigut imaarneqarsinnaaneq ajornerat. Tamatumalu kingunerisarpaa piffissap aalisarfiusup ingerlanerani piffissani sivikitsuni tunitsiveqarneq unittariaqartarmat, sulisullu angerlartiinnarneqartarnerat. 2017-imilu taamatut ajornartoortarneq assut ajorteriarsimavoq. Decembarip 17-iani Kangaatsiami tunisineq umiarsuassaqannginneq pissutigalugu unitsittariaqarsimagatsigu tamatumunnga assersuutissaavoq. Umiarsuarmut usilersuineq decemberip 28-ani 29-anilu pivoq, taamaalillutalu ukiortaami nutaamik aallarteqqissinnaassalluta. Tamatuma kingunerisimavaa tunisassiorneq tunitsiveqartitsinerlu ulluni 14-ini matusariaqarsimmata, tamannalu soorunami akuersinnaanngilarput.

Piffissani aalisagaqarfiulluartuni angallat uumatitsivik suliffissuarmut oqilisaataasinnaalluaraluarpoq, soorlu 2017-imi decembarimi taamaassimasoq. Taamaannerali qaqutigoortuuvooq, tassami bundgarnersorluni aalisarneq ukiup taamaalinerani pissarsiffiulluartarnera qaqutigoormat. 2018-ip aalisarfiunerani Kangaatsiap eqqaa Qeqertarsuullu Tunua angallammik uumatitsiviusumik ikiorsernissaat pilersaarutaavoq, matumani tamanna akuersissutigineqassappat.

### **Tamanut tunngasut**

Piffissami 2012-imiit 2017-imut tunisassiat annertuseriarnerat takusinnaavarput, tassalu 857 tonsiniit 3354 tonsinut (umiarsuaq tunitsivik ilanngunnagu), tamannalu 400 %-ingajalluinnarnik annertuseriarneruvoq. Tamanna iluatsissinnaasimammatt assut nuannaarutissaraarput. Taamaammatt siunissaq neriulluarfigeqaarput suliniutit pitsaasut arlallit naammassisimagatsigit, RAL-illu assartuinini pitsaanerulersissimallugu – naak qulaani eqqaaneqartutut RAL-ip umiarsuaataasa assartuisinnaassusiat ataatsimut isigalugu suli kissaatigisamit annikinnerugaluartoq. Taamaammatt naatsorsuutigaarput ukiuni tulliuttunissaq aalisakkat amerlanerulersimanagerat sulisunut aalisartunullu nuannaarutaasumik iluaqutaajumaartut.

Taamatut qulaani Royal Greenland nassuiaateqarpoq Kangaatsiaq eqqaanilu tunitsiveqarniarneq pillugu.”

Inussiarnersumik inuulluaqqusillunga  
Med venlig hilsen

  
Hans Enoksen